

脈望館鈔校本古今雜劇

二一



第十六號

忠義士豫讓吞炭

第一折



（智伯引絺疵上）周室中衰起戰爭鴟張七國各屯兵
一從唐叔分桐後政事分來在六卿某乃智宣子之
子荀瑶是也國人號為智襄子曰某居長稱為智伯
這個是某家臣絺疵某与范氏中行氏韓氏魏氏趙
氏世執晉國之政職任六卿惟某家強盛前年滅了
范氏中行氏二家彼土地人庶盡為已有今某心中
還要將韓魏趙三家一發併吞廢了晉侯西晉土宇

皆歸於某。其間方為願足。如今定了一計於藍臺。設一筵席。請韓魏趙三子會飲酒席之間。以禮問他求地。若與則已。不與就起兵征伐。若去了三家唐叔山河不久入吾手也。謀計已定。絺疵你去請三子來赴宴。疾去早來。（絺疵）某奉主人令着我去請三家主君來赴蘭臺之宴。不敢久停。久住須索走一遭去。（下）
（趙襄子上）世職為卿佐晉邦。先人生我弟兄。双婿強橫相侵壓。謹守身家。死不降某姓。趙名無恤。世脩晉國六卿之職。我先君趙簡子存日。曾使尹鐸治晉陽。尹鐸請曰。以為蘭絲乎。以為保障乎。先君曰。保障

我尹鐸損其戶數先君曾謂某曰晉國有難無以尹
鐸為少無以晉陽為遠以是為歸某佩服先君之言
諄、在耳自先君弃世之後智襄子荀瑶為晉正卿
欺俺寡弱有移晉祚之心前年將范氏中行氏二家
絕滅大肆強暴不久禍及於俺三家今日又在蘭臺
設宴請某與魏桓子韓康子會飲不知有何事其中
必有好計不去又不好等韓魏二子來須索走一遭
〔韓康子上〕昔自先王戲削桐世為卿職在河東柰何
荀氏強梁甚要使三家入彀中某韓康子是也姓韓
名虎國人稱為韓康子世為晉卿我晉國卿六人獨

其與趙魏相厚今正卿荀瑶不道欲併諸卿大夫已
將范中行滅了又欲侵及俺三家今在蘭臺設宴請
俺三人不知有何事須索去咱等趙魏二子同行則
个（魏桓子上）邦國分茅建六卿自慚繼戢守持盈誰
知衰世強凌弱荀氏跳梁擁重兵某姓魏名駒國人
稱為魏桓子職任晉卿巨耐正卿荀瑶常有吞併俺
韓魏趙之心今日設宴藍臺來請俺三人須索赴會
則个（行科）前面不是二位公子呀趙韓二君拜揖
（二子還礼云）荀氏招飲不知其旨咱須早赴則个（做）
到科門役報科智伯上相見科三子云某等有何德

能敢勞上卿置酒相待（智）今喜邦家無事謹請三位
公子閑飲一番（把盞科）智某自先世流傳支庶衆多
土地窄隘三公子采邑与某相鄰者敢借一二區以
供樵採不拒幸多（韓背云）某觀智伯好利而懷今素
地於我不与將伐我不如与之彼狃於得地必請於
他人、、不与必向之以兵然後我得免於患而待
事之變矣（轉云）某有萬家之邑願獻左右（智）多謝、
魏公子允否（魏背云）無故索地大夫必惧吾与之地
智伯必驕彼驕而輕敵此惧而相親以相親之兵待
輕敵之人智伯之命必不長矣（轉云）某亦有萬家之

邑敢獻左右(智)多謝、趙公蔡皋狼之地与某食
邑接境欲求借為采邑未知允否(趙)念無恤承先人
基業兢、業、惟恐失墜土地人庶皆先人遺祚我
公無故見侵決不敢奉命必不見容有死而已(智)趙
公好不見机你不見六卿之家大半歸我韓魏各已
畝地你就強梁到得那里豈不見范氏中行氏之例
乎(趙)不答起身去科(智)趙子好是無理也地又不与
又不辭而去怎肯干休韓魏二公咱三家點起甲兵
將趙氏不分老弱一鼓擒滅將他土地人庶咱三人
平分、了豈不好也(韓魏)謹奉教令(正末)豫讓上某姓

豫名讓是智伯家一个家臣今日我主人藍臺設宴
會韓魏趙三君適間我主人倚兵馬強盛問三家索
地韓魏各獻萬家之邑獨趙君不与我主人當筵毀
辱逼的趙君逃席而去我主人以為得志還要伐他
我想来主不備難必至矣蜂蟻尚能螫人况人君
乎我須索進勸一遭做到科見科主人讓聞我主索
地趙君避席主人反欲見伐且高而不危滿而不溢
先王謂志不可滿欲不可縱趙君逃走必有防備若
苦相侵恐非善道不可

仙呂點絳脣便待將韓魏平吞逼的个趙王逃遁偏咱

呵安穩則待要獨霸乾坤全不怕後代人評論（智）我好

意請他飲酒地又不与又不告而去兀的不氣殺我

也（末）

混江龍休為一朝之忿不思量旋踵喪其身上不尊周
朝皇帝下不聞閫外將軍獨自興心獨自立却不道半
由天子半由臣待驅兵領將積草屯糧平白地要把鄰
邦困可不道已所不欲勿施於人（智）豫讓言差矣想
晉國卿相惟我居首兵多人盛又得韓魏二子協心
助翊今合兵攻伐他若拒敵一鼓成擒他若拒守決
水圍灌無有不成功者你到來替他回護觸恼我心

(末)臣聞忠臣不懷情於君孝子不畏死於父存忠盡
節受斧鉞而無怨主公今上有周朝天子不尊王命
無故索地與咱是人情不與是正理今日無故稱兵
大不祥也(智)如今天王法令不行周祚衰微天下諸
侯互相吞併強者霸弱者亡我不乘時非為智也(末)

油葫蘆

今日周室雖微禮尚尊(智)某為晉國陪臣位列

正卿不為小也(末)咱則是臣下臣怎敢侵奪他境界

起烟塵便待要開堤灌水把軍圍困攻城掠野把民蒿

混却不道德不孤必有鄰(智)

我剷除趙氏誰不服我(末)

便待要除根剪艸絕了鬚鬣做的个安自己損他人(智)

我立下些基業貽厥孫謀也(末)

(天下樂)我則怕遠在兒孫近在身(智)我兵車較多三倍
於趙又合韓魏之兵甲屠滅趙氏亦何難哉(末)自古
為君先愛民聖人道不患寡而患不均若是近大臣遠
佞人子這的是經綸天下本(智)韓魏二君我一開口就
與萬家之邑如何趙氏全不敬我地與不與猶小可
如何壞我席面逃走去了羞我這一場怎肯干罷也
(末)主人与咱的不是怕我不與的也不是慢我主人

聰臣說來

(那吒令)為甚魏桓子但言的便允為甚韓康子但索的

便肯為甚趙襄子不辭而便奔見他外面而服非咱中
心臣順都是此假熱佯親

鵲踏枝

主公是智超群也不合勢威人全不肯去暴除

邪叢政施仁好勇興兵起軍全不肯偃武修文智我初
意飲宴元非惡意偶然請地觸我怒叢決不輕恕也

末

寄生草

平白地恩翻成怨喜變做嗔不尋思治國安邦

論常懷着篡位同謀釁偶興起敗國亡家忿主公弔民
伐罪倣成湯推位讓國學堯舜智昔日高紂無道武王
伐之立下這等久遠基業我今勦除趙氏是六弔民

伐罪(末)昔者紂王無道以酒為池以肉為林使男女
裸體相淫殺賢拒諫驕侈無度今日趙襄子有何罪
醉扶歸則為他好奢侈行譖佞剔孕婦剖賢心目此上
呂望興師過孟津血浸朝歌郡為甚把武王扶持做了
至尊這的是法正天心順(智)豫讓你不替我展江山奪
社稷到來比張比李的說我、心決意吞併趙氏再
有苦諫的定行斬首又出豫讓去(末出外云)古者天
子有諍臣七人雖無道不失其天下諸侯有諍臣五
人雖無道不失其國大夫有諍臣三人雖無道不失
其家父有諍子則身不陷於不義今我主人陷於不

義豈可自取安逸當力諫則个（做復回科）

（金盞兒）扭回身上堦跟（智）豫讓你又來了再若阻當我

一劍揮之兩段（末）見他惡眼、面色十分愠劍橫秋

水氣凌雲折末尸骸橫百段熱血污黃塵忠臣不怕死

怕死不忠臣（智）左右与我拿下豫讓斬訖報來（衆拿科）

（韓魏勸云）主公不可今欲弔伐先斬家臣於軍不利

待平了趙氏斬之未遲（智）看二君之面我豫讓權寄

下這一顆頭待除了趙氏不道肯輕饒了你哩（末）謝

我主不殺之恩主公不听豫讓之言後悔之晚也

（賺煞）少不的有國不能投有家應難遶無糧草先逃了

廢民血漚、尸橫刀自刎少不的事君能致其身把我
這志常存須有用着我的時辰主公呵只尺征袍漬血
痕直等到外無救軍內遭危困那時節一腔鮮血報君
恩下智豫讓去了也趙魏二君咱急整人馬攻伐趙氏
去來五下

第二折

智伯上某智伯是也昨日會宴藍臺求地於趙氏臣
耐趙子無理不肯與地也罷又心懷忿怒不辭而去
晉人那个不知我智氏強盛我怎肯干罷已約定韓
魏二子合兵攻伐須索親督一遭下

（趙襄子上）某乃趙襄子是也昨日智伯會酒藍臺倚他威勢平空索地韓魏二子恐嬰禍首各与万家之邑某一時不合當面拒他、就有怪恨之意某逃席而出他說我羞阻他今率韓魏甲士攻我、力寡兵微怎生抵敵如何是好我待出奔長子柰民力罷敝無人死守待走邯鄲柰民膏竣盡誰与守之我想那晉咸陽城池完厚倉廩充實尹鐸之所寬也先君之所屬也民必和矣我須走晉陽去也（下）

（智伯引韓魏二子上）某智伯是也這個是韓康子這個是魏桓子曰趙襄子不肯臣服某等合兵攻伐趙

氏不料趙襄子惧怕出走晉陽堅閉城門不出我今
令軍士每在城外築起大堤引水圍灌城裡不日之
間一城生靈盡為魚鱉滅了趙氏分了他土地人民
那時方得趁心也韓魏二君与我謹守堤岸不可滌
洩指日成功共享其利噲且行水一遭去下

趙襄子引張孟談上却怎了也智伯攻圍甚急某避
走晉陽今又引水圍灌城不浸者三版沈竈產蛙看
人淹倒城牆但賴晉陽百姓感先君之恩尹鐸之澤
雖如此顛沛民無叛意又况韓魏二子与我唇齒今
反助逆合兵相攻我想來也是不得已張孟談你暗